

四庫全書

史部

欽定四庫全書

皇朝文獻通考卷二百二十七

經籍考 十七

子 雜家

臣等謹按雜家一門昉於班史雜之義廣無所不包隋志所謂兼儒墨之道通衆家之意見王化之無不貫也顧名墨縱橫之屬今已無書黃虞稷千頃堂書目雖併入雜家亦寥寥無幾至於兼綜六

籍泛濫百家旁及名物象數之細者要皆雜氏之
流品也指歸攸別為類纂纂四庫全書酌劑其宜
析子目凡六首雜學次雜考次雜說次雜品次雜
纂次雜編今從其例以補馬氏之未備焉

息齋藏書十二卷

裴希度撰希度字晉卿號中菴陽曲人崇禎甲戌
進士官監察御史入

國朝官至太常寺少卿

希度例畧曰自一卷至十卷皆古先聖賢之前言
往行間出臆見以發攄其底蘊十一卷之證可十
二卷之塵譚摘則同人之書札往來與夫坐譚有
涉名教者

衡書三卷

唐大陶撰大陶字鑄采夔州人官長子縣知縣

格物問答三卷 螺蜂說錄一卷 聖學真語二

卷

毛先舒撰先舒見經類

臣等謹按先舒主王守仁之說而又過之竟以二氏為儒之根本欲混三教為一蓋末流之失彌巧而彌離其宗即守仁亦不料流弊之至於此極也
潛齋處語一卷 蒙訓一卷

楊慶撰慶見經類

理學就正言十卷

祝文彥撰文彥字方丈海寧人

聖學大成

數無卷

孫鍾瑞撰鍾瑞字子麟嘉興人

臣等謹按是編所引皆講學之語當列儒家類中
然其流品混淆如楊起元輩儼然自號比丘者亦
廁簡牘不可訓矣故改錄於此

拳拳錄二卷 顏巷錄一卷 晚聞篇一卷

李衷燦撰衷燦號梅村含山人官荊門州知州

栢鄉魏氏傳家錄二卷附家約一卷 勸世恒言

一卷

魏裔介撰裔介見經類

萬世太平書十卷

勞大輿撰大輿見史類

新婦譜一卷

陸圻撰圻字麗京號講山錢塘人

臣等謹按是編凡五十九條皆詳論為婦承順之道

龍巖子集十二卷

李丕則撰丕則曲沃人自號龍巖山人順治乙未進士官金谿縣知縣

唾居隨錄四卷

張貞生撰貞生見史類

圖書秘典一隅解一卷

張沐撰其子端注沐見經類端仕履未詳

潛書四卷

唐甄撰甄字鑄萬達州人僑寓蘇州順治庚子舉
人官長子縣知縣

臣等謹按宋李覲先有潛書見盱江集甄殆未覲
其書故偶同其名

五倫懿範八卷

不著撰人名氏舊本題曰天台鹿門子

天方典禮擇要解二十卷

劉智撰智字介廉江寧人回回之裔

臣等謹按智嘗搜取回回國經典七十種譯為天
方禮經復撮其要為此編蓋智雖宗回教頗習儒
書文亦雅贍可觀然以僻謬之根柢欲借文詞以
飾之此不可得之數也

進善集

無卷
數

張天柱撰天柱字孟高號擎菴秀水人

懿言日錄一卷二錄一卷續錄一卷別錄一卷附
禮闈分校日記一卷七規一卷

王喆生撰喆生字素巖崑山人康熙壬戌進士官翰林院編修

方齋補莊

無卷數

方正瑗撰正瑗字引除號方齋桐城人康熙庚子舉人官至陝西潼商道

公餘筆記二卷

張文炳撰文炳見經類

文炳自序曰官浙江安吉州州判時嘗奉檄校刊

欽定朱子全書

御纂周易折中得益窺聖學之始終全體大用多所發明

容膝居集雜錄六卷

葛芝撰芝字龍仙崑山人

茗西答問一卷

吳學孔錄其師羅為賡講學語為賡號西溪南充人康熙中官烏程縣知縣

續箋山房集畧十八卷

鄭道明撰道明字希濂號松岡懷寧人乾隆丙辰
副榜貢生

頤菴心言一卷

喬大凱撰大凱見經類

聖學逢原錄十八卷

金維嘉撰維嘉號潛川休寧人

右雜家類雜學

菰中隨筆三卷

顧炎武撰炎武見經類

義府二卷

黃生撰生見經類

藝林彙考二十四卷

沈自南撰自南字留侯吳江人順治壬辰進士官

山東蓬萊縣知縣

汪汾序曰彙考所載諸書皆有辨正者閱之足以
益智祛疑又所采必載書名令習其書者可一望

而知欲觀原文者亦可按籍以求其體例皆非近世類書所能及

修潔齋閒筆四卷

劉堅撰堅字青城無錫人

堅自序畧曰同邑顧宸有辟疆園習察一書綴輯未竟因刺取數十則以附益之

天香樓偶得十卷

虞兆滢撰兆滢字虹升嘉興人康熙初諸生

言鯖二卷

呂種玉撰種玉字藍衍長洲人

事物考辨六十二卷

周象明撰象明見經類

潛邱劄記六卷

閻若璩撰若璩見經類

若璩孫學林識語曰劄記卷一至六乃大父有疑
即錄自為問難之書其中有已校訂者有止存舊

說而未校訂者或謂已校訂者自當付梓未校訂者乃古人舊說似宜刪去學林以是皆先人疑而未訂之義何敢妄加去取至卷五一冊乃仲弟學機竭數年之力尋先人手迹陸續成帙不敢漫為分析惟依原本付梓以成先志

臣等謹按是書傳本有二山陽吳玉搢所刪定者條理較善學林所刊之本則一字不遺頗嫌蕪雜故四庫全書錄吳本入

祕閣而以學林本存目焉

天祿識餘二卷

高士奇撰士奇見經類

杭世駿跋曰錢唐高侍郎著書二冊曰天祿識餘
意謂延閣廣內之藏有非窮巷陋儒所得窺見者
今觀其書則笑牒言鯖豈足以當天厨一鱗也迹
其所徵引辨說大半襲前人之舊一二偏解時有
抵牾不觀左傳注妄謂室皇為冢前之闕不觀漢

書注妄引後漢紀以證太上皇之名不觀水經文
選兩注妄說金虎氷井以實三臺不觀地理通釋
妄分兩函谷關為秦漢其尤踳駁不可據者青雲
二字莆田周方叔以為有四解乃遽以隱逸當之
聚頭扇已見之金章宗詞詠乃謂元時高麗國始
貢銀八兩為流本漢書食貨志乃引集韻以為創
獲八米盧郎既見之齊隋兩書姚寬叢語云蓋闕
中語歲以六米七米八米分上中下言在穀取米

取數之多也黃山谷徐師川何嘗誤用乃用元微
之八米詩成未伏盧為證是知一未知二也古人
為學先根柢而後枝葉先經史而後詞章侍郎置
身石渠金匱獲窺人間未見之本而所采擷若此
可以徵其造詣矣

湛園札記二卷

姜宸英撰宸英見史類

畏壘筆記四卷

徐昂發撰昂發字大臨長洲人康熙庚辰進士官翰林院編修

古今釋疑八卷

方履中撰履中字素北桐城人方以智之子

例畧曰是編以所聞於父師者自經史禮樂天地人身及律厯音韻書有承誤踵謬者輒通考而求證昔王儉七志一志專收圖譜漁仲見楊佺期京洛圖方省張華知漢宮十門萬戶之由見杜預公

子譜方覺武平一知魯三桓鄭七穆之故故此書亦間有圖凡採摭諸書諸說必著其書其人之名本非完書姑以所得錄之

螺江雜記八卷

張文蘆撰文蘆見經類

知新錄三十二卷

王棠撰棠字勿翦歙縣人

白田雜著八卷

王懋竑撰懋竑見史類

義門讀書記五十八卷

蔣維鈞編其師何焯校正諸書之文焯字此瞻長

洲人官翰林院編修緣事褫職後以校書復原官

贈侍讀學士

西圃叢辨三十二卷

田同之編同之字在田德州人康熙庚子舉人官

國子監學錄

樵香小記二卷

何琇撰琇字君琢號勵菴宛平人雍正癸丑進士官至宗人府主事

管城碩記三十卷

徐文靖撰文靖見經類

掌錄二卷

陳祖范撰祖范見經類

訂謠雜錄十卷

胡鳴玉撰鳴玉字廷佩號吟鷗青浦人歲貢生乾隆丙辰薦舉博學鴻詞

經史問五卷

郭植撰植字于岸古田人乾隆壬戌進士

識小編二卷

董豐垣撰豐垣字暨之號菊町烏程人乾隆辛未進士官東流縣知縣

右雜家類雜考

春明夢餘錄七十卷

孫承澤撰承澤見經類

臣等謹按是書體例龐雜不可為典要而於勝國遺刑言之鑿鑿一朝掌故多賴以存頗足為鑒古家資蒐採焉

棗林雜俎

無卷數

談遷撰遷見史類

讀書偶然錄十二卷

程正揆撰正揆字端伯孝感人前明崇禎辛未進士官尚寶司卿入

國朝授光祿寺丞官至工部侍郎

見聞記憶錄五卷

余國楨撰國楨字瑞人別號劬菴遂安人前明崇禎庚辰進士官富順縣知縣

國楨自序曰生平卷帙盡佚兵火茲特偶舉所憶
惆恍都如夢境

餘菴雜錄三卷

陳恂撰恂字子木本姓曹海鹽人前明崇禎壬午舉人

冬夜箋記一卷

王崇簡撰崇簡字敬哉宛平人前明崇禎癸未進士

國朝補選庶吉士官至禮部尚書

臣等謹按崇簡襟記先正格言軼事及耳目所見

聞於小說家頗稱徵實

匡林二卷

毛先舒撰先舒見經類

先舒自序畧曰蘇氏論古十三篇不立題統名曰志林蓋擬自成一書者也浩蕩轉掣極筆墨之妙特其持論處稽諸事理時或戾焉因偶為駁正數段更取他作之類似者併錄之得若干篇名曰匡林

樗林三筆五卷

魏裔介撰裔介見經類

雕邱雜錄十八卷

梁清遠撰清遠字通之號葵石正定人順治丙戌

進士官至吏部侍郎

蔣說二卷

蔣超撰超見史類

雲谷卧餘二十卷

張習孔撰習孔字念難歙縣人順治己丑進士官
至山東提學僉事

蒿菴閒話二卷

張爾岐撰爾岐見經類

臣等謹按顧炎武與汪琬書自稱精於三禮卓然
經師不及爾岐故原跋以是編為日知錄之亞

池北偶談二十六卷 居易錄三十四卷 香祖

筆記十二卷 古夫于亭雜錄六卷 分甘餘話

四卷

王士禎撰士禎見史類

士禎自序池北偶談曰所居之敝廬西為小圃有池焉老屋數椽在其北書數千卷度置其中輒取樂天池北書庫之名名之池上有亭曰石帆暇日與客坐其中相與論文章流別析經史疑義至

國家之典故歷代之沿革名臣大儒之嘉言懿行時亦及焉記錄既多第為一書曰談故談獻談藝談

異其無所附麗者稍稍以類相從凡二十六卷

又年譜曰康熙己巳十一月赴京師撰池北偶談
成二十六卷辛巳秋撰居易錄成三十四卷乙酉
續成香祖筆記丙戌四月往于茲山別業憇夫于
草堂山有古夫于亭取義於此即陳仲子所居抑
泉口也已丑在里中著分甘餘話

又自序古夫于亭雜錄曰是書無凡例無次第故
曰雜

暑窻臆說二卷

王鉞撰鉞見史類

鉞自序曰三伏酷暑揮汗之餘取架上書得明人小說百餘種逡巡讀之隨讀隨筆輯為臆說云

聽潮居存業十卷

原良撰良字鳴喜江西樂安人順治中貢生官寧

都縣訓導

庸言錄

無卷數

姚際恒撰際恒字善夫徽州人

鈞廊偶筆二卷二筆二卷

宋犖撰犖見史類

二樓紀畧四卷

佟賦偉撰賦偉字青士襄平人官寧國府知府

臣等謹按寧國舊有北樓即南齊謝朓之高齋明
嘉靖中知府朱大器又起文昌臺設書院其下賦
偉更為修治題曰南樓簿書之暇登臨載筆雜錄

見聞故曰二樓紀畧

介軒遺筆二卷

史既濟撰既濟字若川鄱陽人

復堂雜說一卷 竹村雜記二卷

史白撰白字堅又鄱陽人

山志六卷

王宏撰撰宏撰見經類

尚論持平二卷析義待正二卷事文標異一卷

陸次雲撰次雲見史類

在園雜志四卷

劉廷璣撰廷璣字玉衡號在園鑲紅旗漢軍人廕生官至江西按察使後降補分巡淮徐道

妙貫堂餘譚六卷

裘君宏撰君宏字任遠新建人康熙丙子舉人

東山草堂邇言六卷

邱嘉穗撰嘉穗見經類

蓉槎蠹說十二卷

程哲撰哲字聖跂歙縣人

王士禎序曰聖跂抱博辨之才具論斷之識無雷同勦說之弊

道驛集四卷

張祖年撰祖年字申伯湯溪人

讀書隨記一卷續記一卷剩語一卷

不著撰人名氏自題湖上逸人

庖壇對問六卷

江德中撰德中見史類

經史慧解六卷

蔡舍生撰舍生字天度蕭山人

任菴語畧

無卷數

王建衡撰建衡見史類

嶺西雜錄二卷 後海堂雜錄二卷

王孝詠撰孝詠字慧音吳縣人

南村隨筆六卷

陸廷燦撰廷燦字秩昭嘉定人官崇安縣知縣

枝語二卷

孫之騷撰之騷見經類

臣等謹按是書大畧仿陸佃埤雅一編詮釋花木
蔬果之屬詳其名義兼及偏旁形聲似應入農家
或小學類中但細核體裁兩俱不類故從四庫書
之例附隸於此

諤崖胜說五卷

章楹撰楹字柱天浙江新城人雍正癸丑進士官

青田縣教諭

書隱叢說十九卷

袁棟撰棟號漫恬吳江人

然疑錄六卷

顧奎光撰奎光見經類

瀟湘聽雨錄八卷

江昱撰昱見經類

經史筆記

無卷數

潘繼善撰繼善見經類

榴園管測五卷

王元復撰元復字能愚號醒齋里貫未詳

數馬堂答問二十卷

黃名甌撰名甌字馭卜福州人

鈍根雜著四卷

周池撰池見史類

右雜家類雜說

韻石齋筆談二卷

姜紹書撰紹書字二酉丹陽人

臣等謹按宋周密有雲煙過眼錄記所見古器書畫畧品甲乙紹書是編仿其體例小為異同其辨別黃氏文王鼎河莊淳化帖等皆鑿然有理可資考證者固不少也

七頌堂識小錄一卷

劉體仁撰體仁字公勇諸書或作公馭河南潁川
衛人順治乙未進士官至吏部郎中

研山齋珍玩集覽

無卷數

孫炯撰炯字挈菴大興人吏部侍郎承澤之孫
研山齋雜記二卷

不著撰人名氏

臣等謹按研山為孫承澤齋名然書中所引多承

澤以後事疑亦孫炯所撰也

老老恒言五卷

曹廷棟撰廷棟見經類

初學藝引二十三卷

李仕學撰仕學字亨敏號遜齋揭陽人

右雜家類雜品

豐暇觀頤四卷

不著撰人名氏據自序為順治中人

無事編二卷

項真撰真字不損秀水人前明諸生入

國朝官景陵縣知縣

葉書一卷

黃生撰生見經類

倫史五十卷

成克鞏撰克鞏字清壇大名人前明崇禎癸未進

士入

國朝補選庶吉士官至保和殿大學士

多識集十二卷 雅說集十九卷 佳言玉屑一

卷 牛戒續鈔三卷 希賢錄十卷 資塵新聞

七卷

魏裔介撰裔介見經類

嗜退菴語存十卷

嚴有穀撰有穀字既方歸安人

有穀子我斯識曰先君子晚年結廬城東隅顏曰

嗜退網羅古名儒碩輔嘉言懿行及陰陽圖緯兵
農禮樂百家衆流之書採綜研究成一家言用以
娛老名曰語存析為內外編外編卷帙稍多故先
梓內編以問世

勝飲編一卷

卽廷極撰廷極見史類

廷極自識曰不飲而勝於飲故名之曰勝飲

經世名言十二卷

蘇宏祖撰宏祖字光啟湯陰人順治丙戌進士官知縣

宏祖自序曰經世名言者關乎身心之學所謂名言裨乎出處之微所謂經世也

寄園寄所寄十二卷

趙吉士撰吉士見史類

擇執錄十二卷

王家啓撰家啓字誠菴蔚縣人順治辛卯舉人官

廣東新會縣知縣

聞鐘集

無卷數

勞大輿撰大輿見史類

同歸集十六卷

吳調元撰調元字雨蒼石城人

國初舉人官教諭

壽世秘典十八卷

丁其譽撰其譽字蜚公如皋人順治乙未進士官

行人司行人

遂生集十二卷

王暉撰暉字丹麓仁和人

暉自序曰予所纂輯中善惡果報掇於影響無非欲使天下之人不失好生之意天下之物得遂樂生之情故以遂生為名

畜德錄二十卷

席啓圖撰啓圖字文興震澤人官內閣中書舍人

宋稗類鈔八卷

潘永因撰永因見史類

四本堂座右編二十四卷

朱潮遠撰潮遠字卓月揚州人

敦行錄二卷

張鵬翮撰鵬翮見史類

學仕要箴五卷

張圻撰圻字邑翼崑山人

徐元文序曰莘田侍御蔣伊集仕學格言圻續為纂輯凡分十類曰存心曰省身曰型家曰處物曰養蒙曰舉業曰居官曰臨民曰仕宦曰慎刑

秦氏閨訓新編十二卷

秦雲爽撰雲爽見儒家類

庸行篇八卷

牟允中撰允中字叔庸天津衛人

人道譜

無卷數

閔忠撰忠歸安人

讀書樂趣八卷

伍涵芬撰涵芬字芝軒於潛人康熙丁卯舉人

硯北雜錄

無卷數

黃叔琳撰叔琳見經類

孝史類編十卷

黃齊賢撰齊賢字敬思嘉興人

臣等謹按孝為百行之原所編頗足發人至性以

其雜入二氏之言故附錄於此

經術要義四卷

高元標撰元標字琴山嘉興人

查浦輯聞二卷

查嗣瑛撰嗣瑛字德尹海寧人康熙庚辰進士官

至翰林院侍講

會心錄四卷

孔尚任撰尚任見史類

尚任自序曰是錄不考出處不次前後不分體例
間有複論者亦嬾於刪

範家集畧六卷 範身集畧八卷

秦坊撰坊字表行號儼塵無錫人

元明事類鈔四十卷

姚之駟撰之駟見史類

臣等謹按元代故實載於說部者最少是書搜羅
頗博典則可觀至有明一代說部紛繁雖未能採

撫賅備然萬厯以後門戶紛爭記錄之書多不足
信之駟殆猶不失闕疑之義

開家編八卷

王士俊撰士俊字犀川平越人康熙辛丑進士官
至河東總督

養正遺規一卷 訓俗遺規一卷 從政遺規二

卷 教女遺規一卷

陳宏謀撰宏謀見儒家類

學統存二十四卷

宋士宗撰士宗見史類

士宗自序曰周有老莊宋有象山明有文成兼之
宗杲大鑑輩日與吾黨爭理即濂洛關閩復生不
能驟起而勝也

權衡一書四十一卷

王植撰植見經類

植自序曰王充有論衡蘇洵有權書衡論皆為一

家之私言而此一書則合古今之嘉言而為之權衡也

多識類編二卷

曹昌言撰昌言字禹拜新建人

昌言兄茂先序曰余弟聞名山勝蹟異卉奇葩必周游歷覽考究本末間從野老農夫詢動植情形得其實歸即筆之於書所著有輿圖輯畧多識類編諸書

養知錄八卷

紀昭撰昭見經類

昭自序畧曰人為利欲所昏習俗所染於是盡失其本心之明豈人本無知哉蓋所以喪其良心者有由然耳特為指其大義以養其良心良能故曰養知

閑家類纂二卷

彭紹謙撰紹謙字濟光長洲人乾隆丁卯舉人官

至桃源同知

課業餘談三卷

陶煒撰煒字賓玉秀水人

福壽陽秋

無卷數

魏博撰博字約之江寧人

言行彙纂十卷

王之鈇撰之鈇號朗川湘陰人

諸儒檢身錄一卷

令狐亦岱撰亦岱字太峯猗氏人官縉雲縣知縣
心鏡編十卷

譚文光撰文光里籍未詳

子苑一百卷

不著撰人名氏

臣等謹按此書係衍聖公孔昭煥家藏本其中雜
摭諸子分人倫性行學業政事人事五門雖用意
深至而名實多乖如水經注檀弓等總以子苑名

之殊為未協

右雜家類雜纂

學海類編

無卷數

曹溶撰溶見史類

莊屈合詁

無卷數

錢澄之撰澄之見經類

澄之自序曰著易學詩學成思所以翊二經者而得莊子屈原以莊繼易以屈繼詩足以轉相發明

揚園全書三十四卷 張考夫遺書五卷

張履祥撰履祥字考夫桐鄉人

臣等謹按履祥初講蕺山慎獨之學晚乃專意於程朱立身端直鄉黨稱之其書凡十二種類多儒家之言然如近古錄見聞錄等採前明以來嘉言懿行則近於傳記農書詳桐鄉物土又農家之流體例雜糅無可專屬故附隸於雜家類焉

竹裕園筆語十二卷

李曰滌撰曰滌字亦白臨川人前明歲貢生

昭代叢書一百五十卷

張潮編潮字山來徽州人

臣等謹按是編皆

國初人雜著或從文集中摘錄或從全書中割取並
非著述強以書名中亦時有改竄凡甲乙丙三集
各五十卷

丹麓雜著十種十卷

王暉撰暉見雜纂類

檀几叢書五十卷

張潮王暉同編

政學合一集

無卷數

許三禮撰三禮見經類

鈍吟雜錄十卷

馮班撰班字定遠號鈍吟居士常熟人

檢心集十四卷

閔則哲撰則哲字睿先應山人

右雜家類雜編

皇朝文獻通考卷二百二十七

欽定四庫全書

皇朝文獻通考卷二百二十八

經籍考 十八

子 小說家 農家 譜錄

臣等謹按漢班固曰小說家流出於稗官如淳注
謂王者欲知閭巷風俗故立稗官使稱說之也張
衡西京賦曰小說九百本自虞初然則稗野傳奇
厥來已久馬端臨權輿班志別輯是門四庫全書

復析為三目凡敘述舊聞者曰稗事記錄神怪者曰異聞綴緝瑣屑者曰瑣語體例益周於馬考今從而輯之其妖妄熒聽之屬則從汰焉

讀史隨筆六卷

陳忱撰忱字遐心秀水人

臣等謹按是書採掇瑣屑間附論斷立名雖似史評實則傳記之屬故列於此

玉堂薈記一卷

楊士聰撰士聰字朝徹號鳧岫濟寧人前明崇禎
辛未進士官翰林院檢討入

國朝官至諭德

士聰自序曰古來正史所闕或得之襍錄漫記以
補其所不足亦識其小者之意也自余叨史局不
廢記存且積有年歲壬午再入春明感興時事乃
取舊所編輯更加撰次不拘年月惟有慨於中則
書之彙為一帙凡十餘年來世局朝政物態人情

約略粗載於此而戲笑不經之事亦往往而在

庭聞州世說

無卷數

不著撰人名氏題曰桃都漫士宮紫陽述

客途偶記一卷

鄭興僑撰興僑字惠人濟寧人前明崇禎丙子舉人

王劒尊聞十卷

梁維樞撰維樞字慎可真定人前明舉人官工部

主事

明語林十四卷

吳肅公撰肅公見經類

明逸編十卷

江有溶撰鄒統魯補編有溶字谷尚長沙人統魯

字大系衡陽人

聞見集三卷

蔡憲陞撰憲陞字江雲南昌人

筇竹杖七卷

施男撰男字偉長吉水人順治初隨征廣西以軍功授廣西按察司副使

今世說八卷

王暉撰暉見禰家類

秋谷禰編三卷

金維寧撰維寧見史類

隴蜀餘聞一卷 皇華紀聞四卷

王士禎撰士禎見史類

惠棟精華錄訓纂曰隴蜀舊游之地具詳驛程記
中此又紀其所未備者也

硯北叢錄

無卷數

黃叔琳撰叔琳見經類

魏兆龍序曰是書為叔琳巡撫浙江時罷官後所
偶錄襍採唐宋元明及近時說部亦益以耳目所
聞見

漢世說十四卷

章撫功編撫功字仁艷錢塘人

凡例曰書以語名始論語也國語記言不叅以事
陸賈新語馬上翁每奏稱善臨川世說一書諸名
士所共撰述始自竹林迄於江左風流簡遠少許
勝多最為可貴茲編獨尊兩漢意專敘事故不以
新語名篇

臣等謹按是書紀漢人言行大抵以史記漢書為

主而禰以他書附益之蓋仿劉義慶世說新語之體然義慶所述溯自東漢並非始於竹林且本名世說新書後人乃改為新語見黃伯思東觀餘論凡例所云誤矣

過庭紀餘三卷

陶越撰越字艾村秀水人

右小說家禰事

蜎菴瑣語一卷

李王逋撰王逋字肱枕嘉興人

矩齋稊記二卷

施閏章撰閏章見史類

臣等謹按是書多記見聞雜事舊載閏章外集中
今別為著錄故隸於此

冥報錄二卷

陸圻撰圻見稊家類

雷譜一卷

金侃撰侃字亦陶吳縣人

史異纂十六卷 有明異叢十卷

傅燮詞撰燮詞字去異靈壽人工部尚書維麟子

官至汀州府知府

觚賸八卷續編四卷

鈕琇撰琇字玉樵吳江人康熙壬子拔貢生官至

陝西知府

山海經廣注十八卷

吳任臣撰任臣見史類

曠園禱志二卷

吳陳琰撰陳琰見經類

鄆署禱鈔十四卷

汪為燾撰為燾字若木桐鄉人官鄆陵縣知縣

為燾自序曰此書事涉鄆陵者十之六七涉省郡

別州縣者十之三四合以身之所歷目之所覩得

十四卷

果報見聞錄一卷

楊式傳撰式傳字雪崖鄞縣人

信徵錄一卷

徐慶撰慶字賓溪自序曰烏山人未詳何地

見聞錄一卷

徐岳撰岳字秀方嘉善人

簪雲樓稊說一卷

陳尚古撰尚古字雲瞻德清人

右小說家異聞

豆區八友傳一卷

王蒼撰著字宓草秀水人

臣等謹按蒼以製造菽乳其名有八因呼八友各為寓名而傳之蓋遊戲之小品

筆史二卷

楊忍本撰忍本字因之南城人

板橋稗記三卷

余懷撰懷字無懷號澹心閩縣人

右小說家瑣語

臣等謹按馬端臨輯農家一門引宋三朝藝文志
謂殖物寶貨著譜錄者亦在助衣食之源故咸見
於此然列香譜於農家何異綴錢圖於譜系懸癭
引蔓厥體殊乖四庫全書於農家類盡汰榛蕪祇
存本業並仿尤袤遂初堂書目之例別輯譜錄一
門俾酒譜茶經胥歸統隸變而能通善斯擇焉五

朝續通考已師其例今亦從之庶幾小道可觀不
以溷幽風無逸之本旨焉

欽定授時通考七十八卷

乾隆六年大學士鄂爾泰張廷玉等奉

敕撰

皇上御製序曰孟子言不違農時穀不可勝食蓋民之
大事在農農之所重惟時敬授人時載於堯典周公
七月一篇於日星霜露之候昆蟲草木之化詳哉其

言之故先王之民莫不震動恪恭於農以修其事者
懼失時也我

聖祖仁皇帝勤咨民隱首重農桑率育烝黎涵濡德澤六
十餘載戶慶盈寧

皇考世宗憲皇帝歲舉耕藉之儀率先天下興水利廣儲
蓄為萬世規凡茲薄海蒼生得荷鋤耨餉優游隴畝
之間樂生遂性衣食滋豐者何莫非我

祖宗宵旰勤勞以貽樂利於無疆耶朕纘承基緒鑒前代

生深宮之中長阿保之手誠知稼穡艱難日與中外
臣工為斯民籌食用至計胼胝機杼之作苦日厘於
懷因檢前人農桑通訣農政全書諸編嘉其用意勤
而於民事切也命內廷詞臣廣加蒐輯舉物候早晚
之宜南北土壤之異耕耘之節儲峙之方蠶織畜牧
之利自經史子集以及農家者流凡言之關於農者
彙萃成編命之曰授時通考夫天道廣運於上而四
時行萬彙生地道發育於下而庶品蕃百昌遂人事

叅贊其中而六府修三農殖輔相裁成固國家之大政也趨事赴功亦閭閻之本業也貴穀飭農服田力穡上下交勉弗懈於時以副朕阜成海宇之至願覽斯編者尚有取焉

臣等謹按是書凡分八門一曰天時二曰土宜三曰穀種四曰功作五曰勸課六曰蓄聚七曰農餘八曰蠶桑自土宜以下七門各冠以彙考一卷我皇上軫念民依首殷農政爰

命儒臣刪纂諸書輯成是帙斟酌古今之制調劑天地之宜凡舊章政典之有裨於日用者罔不臚陳垂美利於萬年溥盈寧於六合

聖人之心抑何其詳且盡也

梭山農圃三卷

劉應棠撰應棠字又許奉新人

豳風廣義三卷

楊岫撰岫字雙山西安人

臣等謹按蠶桑之法自明以前秦地久廢每逢卒
歲恒苦無衣然條桑采繅之咏載在豳風其地固
非不宜蠶桑者比岫是書備陳樹桑養蠶諸法并
詳繪諸圖系以論說兼及雞豚畜字之法極為詳
明近時秦紗之織傳售四方固抑賴
聖天子衣被之功亦足徵岫等講求之力也

右農家

御定廣羣芳譜一百卷

康熙四十七年翰林院編修汪灝等奉

敕編

聖祖仁皇帝御製序曰粵自神農氏嘗草辨穀民始知樹藝
醫藥伊耆氏命羲和推步定厯以授時民始知耕獲之
不愆而百工熙績偉哉開物成務啟牖來茲聖帝之功
與天地並矣朕聽政之暇披閱典籍留意農桑繪耕織
之圖製永言之什時巡所止親歷田間其稼穡之艱難
作勞之辛苦既周知而洞悉矣每思究百昌生殖之理

極萬變消長之情著為成編以佑吾民嘗謂爾雅具其名物而郭璞陸佃孫炎之流疏注埤翼又加詳焉其明備者莫如本草自本經以迄陶弘景蘇頌而下數十種凡採治之法無不賅核他如齊民要術月令廣義諸書其蒔植之宜為更晰矣遐稽往牘擷其英華歸於簡括良非易也比見近人所纂羣芳譜蒐輯衆長義類可取但惜尚多疎漏因命儒臣即祕府藏帙攬摭薈萃刪其支冗補其缺遺上原六經旁摭子史洎夫稗官野乘之

言才士之所歌吟田夫之所傳述皆著於篇而奇花瑞草之產於名山貢自遠徼絕塞為前代所未見聞者亦咸列焉復允廷臣之請益以朕所賦詠依類分載總一百卷命名曰佩文齋廣羣芳譜冠以天時尊歲令也次穀次桑麻崇民事也次蔬茶果木花卉資厚生溥利用也終以藥物重民命也其諸天時早晚之候人事種溉之方地力彼此之殊物性良楮之異罔弗條舉縷析燦然可觀焉是書也攬品彙之蕃滋想羣生之率育一展

卷間化機洋溢於茲畢呈固不惟矜淹洽侈藻麗也以
是刊布天下垂之久遠使吾民優游於農圃之中家室
盈寧樂其業而不憚其勤而大夫士以及民之秀者因
以區別物宜審其淑慝凜嗜好之常慎節宣之度於以
躋仁壽而享泰平亦不為無所裨助也哉

臣等謹按明王象晉二如亭羣芳譜多有疎漏我
聖祖仁皇帝博綜萬彙涵育羣英

特詔儒臣開局廣修十增六七凡天時譜六卷穀譜四卷

桑麻譜二卷疏譜五卷茶譜四卷花譜三十二卷
果譜木譜各十四卷竹譜五卷卉譜六卷藥譜八
卷凡遠徼遐陬之產奇花異草之名為爾雅所未
聞本草所未賅者蕃然並萃博物之鴻編實古來
著錄家所未見也

欽定西清古鑑四十卷

乾隆十四年協辦大學士吏部尚書梁詩正等奉

敕編

諭曰邃古法物流傳有自者惟尊彝鼎彝歷世恒遠良以質堅而體厚不為燥濕所移剝蝕所損淵然之光穆乎可見三代以上規模氣象故嗜古之士亟有取焉宣和博古一圖播在藝苑繼之者有呂氏考古圖而外此紀載寥寥豈非力能致之而弗能聚所見隘而無足紀歟哉

家法不事玩好民間鑒賞概弗之禁而殿廷陳列與夫內府儲藏者未嘗不富朕於幾務晏閒間加題品夷考

舊圖多所未載因思古器顯晦有時及今不為之表
章載之簡牘考索者其奚取徵焉爰命尚書梁詩正
蔣溥汪由敦率同內廷翰林倣博古圖遺式精繪形
模備摹款識為西清古鑑一編以游藝之餘功寄鑑
古之遠思亦足稱昇平雅尚云爾

臣等謹按是編以

內府所藏法物按器為圖因圖系說每一卷成輒恭
呈

點定授梓刊行循覽之餘覺法器森羅儼然在目昔陸
佃作禮象以改聶圖之失尊鼎彝皆從借覽以
求其實矧乎

祕府所儲有典有則垂之無窮讀是編者其亦可極
天下之大觀而無遺憾也夫

欽定錢錄十六卷

乾隆十五年協辦大學士梁詩正等奉

敕撰

臣等謹按是譜所錄皆

內府所藏歷代古錢卷一至卷十三上自伏羲帝昊
錢下迄崇禎通寶卷十四列外域諸品卷十五撒
帳吉語諸品及異錢各種卷十六厭勝諸品凡為
錢五百六十有七辨明真贋圖繪形模夫錢幣之
利弊可以驗國政之廢修一展覽間千古之盛衰
畢著是豈徒為數典之助哉蓋監古以省度者
聖人之心固不遺於一物也

欽定西清硯譜二十四卷

乾隆四十三年大學士于敏中等奉

敕編

皇上御製序曰向詠文房四事謂筆硯紙墨文房所必
資也然筆最不耐久所云老不中書紙次之墨又次
之惟硯為最耐久故自米芾李之彥輩率譜而藏之
以為藝林佳話內府硯頗夥或傳自勝朝或弄自國
初如晉玉蘭堂硯壁水暖硯久陳之乾清宮東西暖

閣因思物繁地博散置多年不有以薈綜粹記或致遺佚失傳為可惜也因命內廷翰臣甄覈品次圖而譜之凡舊藏者若干枚散置者若干枚新獲者若干枚其棄置庫中為之翦拂刮磨鬱為奇品者又若干枚譜既成欲命于敏中擬四六引言以行之既思題句銘辭皆自作且六日而成四十首所為惜淪棄悟用人慎好惡戒玩物無不三致意焉則又不可以無文而不序其梗概也昔許採一文人耳藏硯幾至百

枚茲百年太平石渠天祿之府貯硯多至二百枚亦
不為過而予以為已過者蓋意有所好必有所繫若
謂文房之資立言傳道有異他物之為嗟夫是予所
以自解乎抑亦所以自訟乎

臣等謹按是譜取

內府所藏各硯圖其正背間及旁側並恭摹

御製題銘與前人之款識凡尺度材質形製之殊悉皆
詳述而收藏賞鑒諸家姓名及舊人銘跋諸臣奉

敕所題均得附錄

宸章之後計瓦石之屬為硯二百凡四百六十四圖後
附松花紫金駝基紅絲諸品及仿製澄泥各種為
硯四十一凡百有八圖古藻之垂照映萬古於以
上供

乙覽傳示來茲自有硯譜以來未有如是之大觀者也
異魚圖贊箋四卷 異魚圖贊補三卷 閨集一卷
胡世安撰世安見經類

臣等謹按異魚圖贊明楊慎所著間有自注世安因而箋之辨證頗悉又因其闕漏作為補編古雋亦略與慎等

倦圃蒔植記三卷

曹溶撰溶見史類

漫堂墨品一卷 怪石贊一卷

宋犛撰犛見史類

雪堂墨品一卷

張仁熙撰仁熙字長人號藕灣廣濟人

曹氏墨林二卷

曹素功編素功字聖臣歙縣人歲貢生官布政司
經歷

續茶經三卷附錄一卷 藝菊志八卷

陸廷燦撰廷燦見襍家類

臣等謹按是編視陸羽經多至十倍依原例分一
之源二之具三之造四之器五之煮六之飲七之

事八之出九之略其十之圖不傳補以茶具茶器
圖藝菊志凡分六類以所繪藝菊圖題詞附之

觀石後錄一卷

毛奇齡撰奇齡見經類

奇齡自序曰嘗見友人高兆作觀石一錄流傳人
間故此曰後錄

北墅抱甕錄一卷

高士奇撰士奇見經類

漢甘泉宮瓦記一卷

林佶撰佶字吉人侯官人康熙乙卯舉人壬辰

特賜進士授內閣中書

烏衣香牒四卷 春駒小譜二卷

陳邦彥撰邦彥字世南海寧人康熙癸未進士官

至內閣學士兼禮部侍郎

茶史二卷

劉源長撰源長字介祉淮安人

居常飲饌錄一卷

曹寅撰寅字子清號楝亭鑲藍旗漢軍人康熙中
巡視兩淮鹽政加通政司銜

酒部彙考十八卷

不著撰人名氏

茶花譜三卷

舊題樸靜子撰不著姓氏

竹譜一卷 蛇譜一卷

陳鼎撰鼎見史類

箋卉一卷

吳崧撰崧字綺園歙縣人

臣等謹按宋聲嘗題黃山僧雪花所繪黃山諸卉圖崧取其題詞各為作箋故曰箋卉

晴川蟬錄四卷後錄四卷

孫之騄撰之騄見經類

苔譜六卷

汪憲撰憲見經類

畫眉筆談一卷

陳均撰均字康疇歙縣人

名花譜一卷

舊題西湖居易主人撰不著名氏

右譜錄

皇朝文獻通考卷二百二十八

欽定四庫全書

史部

皇朝文獻通考卷二百二十九至
三十一

中書_臣張經田覆勘

總校官檢討_臣何思鈞

欽定四庫全書

皇朝文獻通考卷二百二十九

經籍考 十九

子

天文
醫家

推算

五行

占筮

形法

兵家

臣等謹按天學至後世而益精自利瑪竇入中國

始倡幾何之學制器作圖愈推愈密我

聖祖仁皇帝造化在心機衡齊政

御定厯象考成諸書研闡精微示萬世修明之法

皇上復親蒞靈臺編觀儀制

欽定儀象考成等編酌古準今昭垂無極臣下如梅文鼎輩各抒妙悟具有成書言天之學洵無過於

昭代矣考天文推算馬氏析而為二然善言天者必有驗於人故陳象緯之文率兼推步今從其例畧為分輯凡兼言測量之法者胥隸天文明所統也至陰陽一門今已無書亦從其闕仍以五行占筮形法列於後云

御制儀象考成三十二卷

乾隆九年和碩莊親王允祿大學士鄂爾泰等奉
敕撰

皇上御製序曰上古占天之事詳於虞典書稱在璿璣
玉衡以齊七政後世渾天諸儀所為權輿也歷代以
來遞推迭究益就精密所傳六合三辰四游儀之制
本朝初年猶用之我

皇祖聖祖仁皇帝奉若天道研極理數嘗用監臣南懷仁

言改造六儀輯靈臺儀象志所司奉以測驗其用法
簡當如定周天度數為三百六十周日刻數為九十
有六分黃赤道以脩儀制減地平環以清儀象創制
精密尤有非前代所及者顧星辰循黃道行每七十
年差一度黃赤二道之相距亦數十年差一分所當
隨時釐訂以期昭合而六儀之改創也占候雖精體
制究未協於古赤道一儀又無遊環以應合天度志
載星象亦間有漏畧躡次者我

皇祖精明步天定時之道使用六儀度至今必早有以隨時更正矣予小子法

祖敬

天雖切於衷而推測協紀之方實未夙習茲因監臣之請按六儀新法參渾儀舊式製為璣衡撫辰儀繪圖著說以裨測候并考天官家諸星紀數之闕者補之序之紊者正之勒為一書名曰儀象考成縱予斯之未信期允當之可循由是儀器正天象著而推算之法

大備夫制器尚象以前民用莫不當求其至精至密矧其為授時所本熙績所關尤不容有杪忽差者折衷損益彰往察來以要諸盡善奉時修紀之道敢弗慎諸至乃基命宥密所為夙夜孜孜監於成憲者又自有在是為序

臣等謹按尚書在璿璣玉衡以齊七政馬融諸人註皆以為渾儀蓋自軒昊以來羲和所掌以之則天象而立人紀者莫大於是唐宋而後新製屢更

而所謂六合儀三辰儀四游儀者亘古不變元郭
守敬析之為簡仰二儀頗稱精當我

聖祖仁皇帝命監臣南懷仁新製赤道黃道二儀及地平
象限紀限天體四儀與黃赤相錯綜者共為六儀
又

命製地平經緯儀合地平象限二儀為一其法尤密
皇上以渾天之制為最古改製璣衡撫辰儀酌古今以
通其變損益得中斟酌盡善爰勒為是編以

御製璣衡撫辰儀說冠諸卷首焉

天文大成管窺輯要八十卷

黃鼎撰鼎字玉耳六安人明末以諸生從軍積功

至總兵官入

國朝官至提督

中星譜

無卷數

胡亶撰亶號勵齋仁和人

靈臺儀象志十六卷

南懷仁撰懷仁西洋人官至欽天監治理加工部
右侍郎銜謚勤敏

臣等謹按康熙十三年懷仁製新儀六曰黃道經
緯儀曰赤道經緯儀曰地平經儀曰象限儀曰紀
限儀曰天體儀並撰說四卷表十卷圖二卷書成
恭進並請刊布肄習得

旨允行

天經或問前集一卷 天經或問後集

無卷數

游藝撰藝字子六建寧人

天步真原一卷 天學會通一卷

薛鳳祚撰鳳祚見經類

梅文鼎跋曰鳳祚以西法六十分通為百分從授時之法實為便用惟仍以對數立算不如直用乘除為正法惜所證正之處未獲與之相質云

臣等謹按天步真原鳳祚所譯西洋穆尼閣法也天學會通所言皆推算交食之法蓋用表算之例

殊為簡捷精密

璇璣遺述七卷

揭暄撰暄字子宣江西廣昌人

梅文鼎序曰暄深明西術又別有悟入其謂七政小輪皆出自然亦如盤水之運旋而周遭以行疾而生旋渦遂成留逆一條為古今之所未發

中西經星同異考一卷

梅文鼎撰文鼎字爾表宣城人

文寓凡文鼎序曰歲戊辰歸自武林武林人張慎
碩忱能製西器鼎乃依歲差考定平儀所用大星
屬碩忱施之渾蓋而屬弟寓作恒星黃赤二新圖
因詳核星之經緯知楊氏厯書圖表與南懷仁儀
象志星名本同而數有多寡異於古人者別識之
以成此書至其所為辨正經緯之度者尚存別卷
又曰西厯黃道十二象與中土異而回回厯與歐
邏巴復自不同故雙女或以為室女陰陽或以為

雙兄至黃道內外之星或以為六十象或以為六十二象而貫索星回回厯以為缺椀歐邏巴以為冕旒其餘亦多互異且西厯言恒星有經度東行歲差而緯度終古如一然又言二至距緯古遠今近是黃極且有微移既言恒星之形畧無改易然又言王良之側有萬厯癸酉年新出之星竊嘗譬之地志陵谷豈無小異而嶽瀆大致自如然其名之所起亦人實為之而已矣

萬青樓圖編十六卷

邵昂霄撰昂霄字子政餘姚人拔貢生乾隆元年

薦舉博學鴻詞

右天文

御定厯象考成四十二卷

康熙五十二年

聖祖仁皇帝御定

世宗憲皇帝御製序曰粵稽前古堯有羲和之咨舜有后

夔之命周有商高之訪逮及歷代史書莫不志律歷脩數度用以敬天授民格神和人行於邦國而周於鄉閭典至重也我

皇考聖祖仁皇帝生知好學天縱多能萬幾之暇留心律歷算法積數十年博考繁蹟搜抉奧微叅伍錯綜一以貫之爰

指授莊親王等率同詞臣於大內蒙養齋編纂每日進呈親加改正彙輯成書總一百卷名為律歷淵源凡為三部

區其編次一曰厯象考成其編有二上編曰揆天察紀
論本體之象以明理也下編曰明時正度密致用之術
列立成之表以著法也一曰律呂正義其編有三上編
曰正律審音所以定尺考度求律本也下編曰和聲定
樂所以因律製器審八音也續編曰協均度曲所以窮
五聲二變相和相應之源也一曰數理精蘊其編有二
上編曰立綱明體所以解周髀探河洛闡幾何明比例
下編曰分條致用以線面體括九章極於借裒割圓求

體變化於比例規比例數借根方諸法蓋表數脩矣洪
惟我國家聲靈遠屆文軌大同自極西歐羅巴諸國專
精世業各獻其技於閭闔之下典籍圖表燦然畢具我
皇考兼綜而裁定之故凡古法之歲久失傳擇焉而不精
與西洋之侏僂詰屈語焉而不詳者咸皆條理精明本
末昭晰其精當詳悉雖專門名家莫能窺萬一所謂惟
聖者能之豈不信歟夫理與數合符而不離得其數則
理不外焉此圖書所以開易範之先也以線體例絲管

之別以弧角求經緯之度若此類者皆數法之精而律
厯之要斯在故三書相為表裏齊七政正五音而必通
乎九章之義所由試之而不忒用之而有效也書成纂
修諸臣請序而傳之恭惟

聖學高深豈易鑽仰顧朕夙承

庭訓於此書之大指微義

提命殷勤歲月斯久尊其所聞敬效一詞之贊蓋是書也

豈惟

皇考手澤之存實稽古準今集其大成高出前代垂千萬
世不易之法將欲協時正日同律度量衡求之是書則
可以建天地而不悖俟聖人而不惑矣

臣等謹按是編合律呂正義數理精蘊二編凡三
部本為一書初名律厯淵源此即其第一部也天
文推步之術由疎而漸密然西洋算術本於周髀
特中土失其傳而西人能推闡其說我

國朝聲教覃敷泰西諸國累譯而至厯算之術測闡

彌詳

聖祖仁皇帝以精一之心執大中之矩

特命諸臣詳加考證釐定此書上編曰揆天察紀下編曰
明時正度集中西之法而歸於一致推行精密累
黍無差殊非管蠡之見所能窺測也

御製數理精蘊五十三卷

臣等謹按是編為康熙五十二年

聖祖仁皇帝御定律厯淵源之第三部於中西兩法融會

貫通權衡歸一上五卷曰數理本源曰河圖曰洛
書曰周髀經解曰幾何原本曰算法原本則其立
綱明體者也下四十卷曰首部曰選部曰面部曰
體部曰末部則其分條致用者也又八卷曰八線
表曰對數闡微表曰對數表曰八線對數表則其
經緯異同辨訂今古者也至本法所不能求者一
一疏通證明之俾學者了然心目實為從古未有
之書

大聖人所以妙契天元精研化本者胥不外乎是矣

御製歷象考成後編十卷

乾隆二年

皇上御定

臣等謹按測驗之學積久而彌精自西史第谷以
來其法盛行我

聖祖仁皇帝創歷象考成上下二編闡發精微洞徹理數
固已貫通中西之法以歸於大同垂諸萬世矣西

洋噶西尼發蘭德等即將第谷未盡之蘊更為推
衍窮極纖微其大端有三一曰太陽地半徑差一
曰清蒙氣差一曰日月五星之本天驗之經緯尤
為密合是以

世宗憲皇帝特命修日躔月離二表續於厯象考成之後
然未加詳說亦未及推算之法我

皇上繼承前緒夙夜勤求復增修表解圖說凡新法與
舊法不同之處疏剔精鑿而古法新製脗合無殊

仰見

聖學之高深而心源之符合也已

曉菴新法六卷

王錫闡撰錫闡字寅旭號曉菴又號天同一生吳江人

錫闡自序曰炎帝八節歷之始也而其書不傳太初三統法雖疎遠而創始之功不可泯也劉洪姜岌次第闡明何祖專力表圭益稱精切自是南土

厯家率能好學深思多所推論皆非淺近所及唐
厯大衍稍親然開元甲子當食不食一行乃為諛
詞以自解何如因差以求合乎至宋而厯分兩途
有儒家之厯有厯家之厯儒者不知厯數而援虛
理以立說術士不知厯理而為定法以驗天天經
地緯躔離違合之原槩未有得也明初元統造大
統厯因郭守敬遺法增損不及百一及西人利氏
來歸頗工厯算崇禎初命禮臣徐光啟譯其書數

年而成遂盛行於世今兼採中西去其疵類參以臆見著歷法六篇會通若干事考正若干事表明若干事增葺若干事立法若干事舊法雖舛而未可遽廢者兩存之理雖可知而非上下千年不得其數者闕之雖得其數而遠引古測未經目信者別見補遺而正文仍襲其故非敢妄云窺其堂奧也

梅文鼎序曰從來言交食只食甚分數未及其邊

惟王寅旭則以日月圓體分為三百六十度而論其食甚時所虧之邊凡幾何度今為推演其法頗為精確又曰近代厯學以吳江為最識解在青州薛鳳祚之上

幾何論約七卷 數學鑰六卷

杜知耕撰知耕字臨甫號伯瞿柘城人

梅文鼎序曰近代作者如李長茂算海詳說亦有發明然不能具九章惟方位伯數度衍於九章之

外蒐羅甚富杜端伯數學鑰圖註九章頗中肯綮
可為算家程式

數度衍二十四卷

方中通撰中通字位伯桐城人明檢討以智之子
中通弟中履序曰九算之名始出周禮註稱九章
則見於鄭康成傳章懷云九章周公所作凡九篇
藝經又云周公作捐悶今皆不傳惟周髀積矩三
圖而已自鄭元嵩真曹元理輩皆善算而未嘗著

書張衡許商等皆有著書而亡者又衆近惟泰西
諸書行於世古法用竹徑一分長六寸二百七十
一枚而成六觚為一握今則用珠算泰西則用筆
算又有籌算尺算其法不一其理則同蓋勾股出
於河圖加減乘除出於洛書此數度衍之所以作
也

凡例曰西學精矣中土失傳耳今以西學歸九章
以九章歸周髀周髀獨言勾股而九章皆勾股所

生故以勾股為首少廣次之方田次之商功次之
差分次之均輸次之盈朒次之方程次之粟布次
之九章取用無踰加減乘除四法四法備於四算
故以珠筆籌尺之法衍於九章之前數盡於九章
矣然有不可屬於某章之下者故曰外法於九章
之後衍之又云勾股出於河圖加減乘除出於洛
書知一切不外河洛也故首言其原黃鍾為數之
始故次律衍線面體之理盡於幾何故約之

厯算全書六十卷 大統書志十七卷 勿菴厯

算書記一卷

梅文鼎撰文鼎字定九宣城人康熙四十一年大學士李光地嘗以其所著厯學進呈會

聖祖仁皇帝南巡於德州

召見

御書積學叅微四字賜之後奉

詔修樂律厯算等書

文鼎自序曰萬厯中利氏入中國始倡幾何之學以點線面體為測量之資制器作圖頗為精密然其書率資繙譯篇目既多徑紆濶濶讀者每難卒業又奉耶穌為教與士大夫聞見齟齬學其學者又張皇過甚輒以世傳淺術為古九章盡此於是薄古法為不足為而或株守舊聞遽斥西儒為異學兩家之說遂成隔碍此亦學者之過也竊以學問之道求其通而已已之所不能通而人則通之

又何間於今古何別乎中西因彙其書而說之
臣等謹按文鼎歷算全書乃魏荔彤屬楊作枚所
校刊首曰歷學疑問即

聖祖仁皇帝親為點定者其他著述極為繁富衍九章之
未備著今法之面形論中西形體之變化釋弧矢
勾股八線之比例蓋中西法至難貫通文鼎原原
本本洞究精微實為數家之總匯大統書志因明
初大統術詳為推行分為法原立成推步三部法

原凡七目立成凡四目推步凡六目辨論詳明有
條有理歷算書記各疏其論撰之意於中西諸法
一一得其要領自郭守敬徐光啟以來無有出其
右者矣

秦氏七政全書

無卷
數

秦文淵撰文淵爵里未詳

勾股引蒙五卷 勾股述二卷

陳訐撰訐字言揚海寧人由貢生官淳安縣教諭

隱山鄙事四卷

李子金撰子金號隱山柘城人

勾股矩測解原二卷

黃百家撰百家見儒家類

臣等謹按勾股測量昉於絜矩其術至精其用至廣測高則用立矩測深則用覆矩測遠則用偃矩顧方可測圓不可測於是割圓之法立平可測險不可測於是重差之術生周髀開方之圖劉徽海

島之算傳者寥寥不絕如綫自

本朝三角形測量法立較勾股至為徑捷簡易功用
懸殊要之儀表相輔而行勾股之法實不可廢百
家是書雖不過撫陳古法而測量之學頗足以資
考證焉

少廣補遺一卷

陳世仁撰世仁海寧人康熙乙未進士

臣等謹按少廣之術所賅不一是編專取少廣中

堆垛一條因其僅具邊數層數求積數法未具以積數求邊數層數法且算家鮮通其故乃以一面尖堆及方底三角底六角底尖堆各半堆等題分為十二法復有抽竒抽偶諸目反覆推求以補少廣所未脩實為有裨算學惜其圖說未之及焉

厯算叢書六十二卷

梅穀成重定其祖文鼎之書穀成宣城人康熙乙未進士官至左都御史

莊氏算學八卷

莊亨陽撰亨陽字元仲南靖人康熙戊戌進士官

至淮徐海道

九章錄要十二卷

屠文漪撰文漪字純洲松江人

圍徑真旨

無卷數

顧長發撰長發字君源江蘇人

全史日至源流三十三卷

許伯政撰伯政見經類

算學八卷續一卷

江永撰永見經類

八線測表圖說一卷

余熙撰熙字晉齋桐城人

右推算

御定星厯考原六卷

康熙五十二年

聖祖仁皇帝御定

臣等謹按古者重黎世職義和命官所以順天行而成人事也後世陰陽之術頗沿其流方技之家遂滋其說蓋荒誕無稽者往往而有矣是書簡汰諸說之紛繁而括其綱要凡分六目一曰象數本要二曰年神方位三曰月事吉神四曰月事凶神五曰日時總類六曰用事宜忌每一目為一卷俾趨吉避凶者瞭如指掌

大聖人所為敬承天道而不拘於小數不牽於禁忌者宜
萬世奉行而勿替也已

欽定協紀辨方書三十六卷

乾隆六年和碩莊親王允祿刑部侍郎張照等奉
敕撰

皇上御製序曰粵昔帝堯命羲和敬授人時厥民知析
因夷輿之節後聖有作推而彌廣至於外事用剛日
內事用柔日此皆載之經典百王不易者也厥後濫

觴日以訛謬術士以吉凶禍福之說震驚朕師不可
方物如褚少孫補史記所稱彼家云吉此家云凶彼
家云小吉此家云大凶茫乎不知其畔岸漢武以來
已如聚訟而荀悅王充輩斥為理之所無棄而勿論
者也雖然天以日月行四時人奉天而時若嚮明而
治嚮晦而息后王君公所以奉若天道也日出而作
日入而息羣黎百姓所以奉若天道也否則不能晨
夜不夙則暮詩人譏焉人人所知也然則舉大事動

大衆協乎五紀辨乎五方以順天地之性豈無寸分
節解以推極其至精至微之理者歟其支離蒙昧拘
牽謬悠之說乃術士之過而非可因噎而廢食者也
欽天監舊有選擇通書刻於康熙二十二年其書成
於星官之手因訛襲謬見之施行往往舉矛刺盾
皇祖聖祖仁皇帝知其荒率不可以訓曾纂為星厯考原
一書刊刻頒行而未將監本改正蓋以待夫後人

聖人之心慎而又慎如此也以喻監臣監臣曰通書之謬

允宜改正朕因其請謂及今猶有莊親王等數人曾經
皇祖指授稍明此理使此時不加訂正恐後此益復無可任
使爰命編輯成書頒布天下較之舊本謬說少除然
俗所久沿則亦不能盡去便民用也命名曰協紀辨
方書夫協紀辨方者敬天之紀敬地之方也一作止
一語默天地實式臨之況其大乎如曰如是則吉如
是則凶如是則福如是則禍則明者所弗道也雖然
敬不敬之間吉凶禍福隨之矣是為序

臣等謹按舊本選擇通書羣疑滋甚

皇上特命諸臣詳加駁正定為斯編凡本原二卷義例
六卷立成宜忌用事各一卷公規二卷年表六卷
月表十二卷日表一卷利用二卷附錄辨訛各一
卷凡五行之生克神煞之吉凶一一繪圖立說以
識趨避之端舉術家之傳會不經繁碎拘礙者悉
破除之仰見

聖人利用前民無不本乎至正大中之義有如是之深

切著明者耳

禽遁七元成局書十四卷

汪漢謀編陳覬校錄漢謀覬里籍俱未詳

臣等謹按是書用翻禽倒將之法世頗稱之然與池本理所論以翻覆為翻禽倒轉為倒將不能盡合蓋猶未離乎俗說也

陳子性藏書十二卷

陳應選撰應選字子性廣州人康熙中諸生

右五行

易冒十卷

程良玉撰良玉字元如歙縣人

良玉自序曰用爻隨大隨細可求吉凶良玉向成筮類五十篇內設三百七十有七問適楚遇枯匏老人授以闡易之書數十種立法四十一篇計九十一章列成卦成爻之由立世立應之法蓋易者象也告於著則以著占告於五行則以五行占告

於焦氏則以焦氏占可也其成卦成爻一也

皇極數鈔四卷

陶成撰成南城人康熙己丑進士官翰林院編修

卜法詳考四卷

胡煦撰煦見經類

畫前易衍

無卷數

徐燦撰燦字朗亭號玉峯崑山人乾隆辛酉舉人

臣等謹按燦取周子太極圖說行為是編法用十

六事為綱以十六事相錯得二百五十六每事各為五兆合為一千二百八十兆古來言數者所未有也

右占筮

畫英圖一卷撼龍經一卷

孫光燾撰光燾字丹扶餘姚人順治辛卯副榜貢生官藁城縣知縣

定穴立向開門放水墳宅便覽要訣四卷

梅自實撰自實字有源宣城人

山法全書十九卷

葉泰撰泰字九升婺源人

例畧曰山法流傳既久其正形正象俱棄去無遺
故曰有遺穴無遺龍若言遺龍惟奇形怪穴人所
不能識人所不敢下者耳於今日而言山穴舍奇
怪無從也

尚書天地圖說六卷

潘咸撰咸見經類

臣等謹按是書多涉堪輿之說雖借尚書以立名實則支離蔓衍渺不相關故附於形法之末

右形法

握機經解一卷

王暉撰暉字始旦絳州人

臣等謹按李衛公問對三卷本宋阮逸偽撰暉乃據以定此書為太公之文多見其考古之疏耳

孫子彙徵四卷

鄭端撰端見儒家類

武經體註大全會解七卷

夏振翼撰振翼字遜闇蕪湖人

兵鏡十一卷

鄧廷羅撰廷羅字叔奇號偶樵江寧人順治中拔

貢生官至湖廣荊南道

武備志畧五卷

傅禹撰禹字服水義烏人

歷代車戰叙畧一卷

張泰交撰泰交字洎谷陽城人康熙壬戌進士官
至浙江巡撫

練閱火器陣記一卷

薛熙撰熙字孝穆蘇州人

右兵家

御定醫宗金鑑九十卷

乾隆四年大學士伯鄂爾泰等奉

敕撰

臣等謹按醫雖小道而學必深於古用必酌乎時
岐伯秦越人後精其業者不少槩見雖以宋代重
醫而官撰局方或未能實裨於療治我

皇上仁育萬民同登壽宇特為釐定此編凡訂正傷寒
論註十七卷訂正金匱要畧註八卷刪補名醫方
論八卷四脈要訣運氣要訣各一卷諸科心法要

訣共五十一卷正骨心法要旨四卷斟酌適中權衡允當洵乎拯濟生民之要術也已

尚論篇八卷 醫門法律六卷附寓意草一卷

喻昌撰昌字嘉言南昌人選貢生

臣等謹按是書有三百九十七法凡太陽經篇一百五十五法陽明經篇七十三法少陽經篇二十
一法附合病九法併病五法壞病二法痰病三法
太陽經全篇九法少陰經前篇後篇四十四法厥

陰經全篇五十五法附過經不解病四法差後勞
復病六法陰陽易病一法有自序以為引伸觸類
究不敢於仲景論外溢一辭至醫門法律者治則
著以法誤則罪以律也

金匱要畧論註二十四卷

徐彬撰彬字忠可嘉興人

聖濟總錄纂要二十六卷

程林刪定宋政和中原本林字雲來休寧人

臣等謹按宋徽宗御製聖濟經十卷又詔海內名醫纂輯二百卷林撮其大要汰其荒誕別擇具有條理足為岐黃家資考證焉

證治大還四十卷

陳治撰治字三農華亭人

治自述曰余家五世業醫所著書有璫溪醫學解外臺秘典脈學驪珠各種皆斟酌盡善擇其近要者付之梨棗

馬師津梁八卷

馬元儀撰元儀蘇州人

石室秘錄六卷

陳士鐸撰士鐸字遠公山陰人

李氏醫鑑十卷續補二卷

李文來編文來字昌期婺源人

臣等謹按此編全據休寧汪桓醫方集解本草脩
要二書排纂而成未附桓所作三焦命門辨一篇

頗稱簡要

張氏醫通十六卷 傷寒續論二卷 緒論二卷

本經逢原四卷 診宗三昧一卷

張璐撰璐字玉號石頑吳江人

璐自序醫通曰是書初名醫歸未及刊行佚其目
科痘疹二冊晚年命子以倬重輯目科治例以柔
重輯痘疹心傳補成完帙改題此名

又自序本經逢原曰瀕湖博洽今古尚爾舍本逐

末僅以本經主治冠列於首以為存羊之意繆氏
仲淳開鑒經義迴出諸家之上而於委曲難明之
處則旁引別錄等說疏作經言未免朱紫之混
醫學彙纂指南八卷

端木緡撰緡字儀標當塗人

傷寒舌鑑一卷

張登撰登字誕先吳江人

臣等謹按以舌觀病之法始於漢張機傷寒論此

編分胎色八種為圖一百二十視金鏡錄觀舌心
法等書繁簡尤為得中也

傷寒兼證析義一卷

張倬撰倬字飛疇吳江人

絳雪園古方選注三卷附得宜本草一卷

王子接撰子接字晉三長洲人

續名醫類案六十卷

魏之琇撰之琇字玉橫錢塘人

臨證指南醫案十卷

葉桂撰桂字天士吳縣人

濟陰綱目十四卷

武之望撰汪淇箋釋之望字叔卿自署關中人淇字澹漪一字右子錢塘人

保生碎事一卷

汪淇撰

釋骨一卷

沈彤撰彤見經類

彤自序曰此編為吳文球講明經穴而作

醫學求真錄總論五卷

黃宮繡撰宮繡宜黃人

素問懸解十三卷 靈樞懸解九卷 難經懸解

二卷 傷寒懸解十五卷 傷寒說意十一卷

金匱懸解二十二卷 長沙藥解四卷 四聖心

源十卷 四聖懸樞四卷 素靈微蘊四卷 玉

楸藥解四卷

黃元御撰元御見經類

神農本草經百種錄一卷 蘭臺軌範八卷 傷

寒類方一卷 醫學源流論二卷 難經經釋二

卷 醫貫砭二卷

徐大椿撰大椿字靈胎號洄溪吳江人

臣等謹按大椿說醫猶毛奇齡說經論病如秦越人論方如孫思邈輩無不遭其詆排然其辨論實

有切中肯綮之處固非庸醫所能知也

成方切用十四卷 傷寒分經十卷

吳儀洛撰儀洛字遵程海鹽人

得心錄一卷

李文淵撰文淵見經類

文淵自述曰古方不能盡中後人之病後人不得盡泥古人之法故名曰得心錄

傷寒論條辨續註十二卷

鄭重光撰重光字在辛歙縣人

醫津筏一卷

汪之蘭撰之蘭字含微歙縣人

右醫家

皇朝文獻通考卷二百二十九